

EPIC RIDES Bosna i Hercegovina

Generalne informacije i uslovi učestvovanja u EPIC RIDES događanjima

Organizator događaja EPIC RIDES u Bosni i Hercegovini je kompanija Bono d.o.o., Bulevar vojvode Stepe Stepanovića 183a, 78 000 Banjaluka, koja djeluje uz dozvolu nositelja brenda EPIC RIDES, kompanije HD Navigatio d.o.o., Javorovac 10, 10 000 Zagreb, OIB: 31139009858.

1. ŠTA JE EPIC RIDES?

EPIC RIDES je serija organizovanih biciklističkih događanja (rekreativnog karaktera) kojima ćemo vas provesti najboljim lokacijama i stazama u Bosni i Hercegovini.

EPIC RIDES nisu trke, iako učesnici imaju startni broj (radi sigurnosnih razloga). Osim toga, ono što "podsjeća" na trku je zajednički start svih učesnika, „*feed zona*“ na stazi (mjesto "predaha") te visok nivo sigurnosti i organizacije. Sam smisao nije utrivanje već organizovana zajednička vožnja uz vrhunsku podršku organizatora.

2. KAKVA JE STAZA NA EPIC RIDES?

Težina same staze zavisi od lokacije, ali sve EPIC RIDES staze su projektovane tako da ih oni sporiji mogu izvoziti unutar 4 sata. Dužina i visinska razlika zavisi od konfiguracije terena. Nema tehničkih dijelova i za vožnju je sasvim dovoljan Hardtail MTB ili Gravel bicikl. E-bike toplo preporučujemo za sve one koji vole vožnju biciklom, ali nisu skloni patnji ili nemaju dovoljno kondicije.

3. ORGANIZACIJA EPIC RIDES

Kompletna Epic Rides staza je označena! Učesnici EPIC RIDES će uz startni broj i startni paket dobiti i .gpx file staze za navigaciju putem specijalizovanih uređaja ili pametnih telefona, a tokom cijelog događanja na stazi će biti "support vozila" koja će u svakom trenutku uskočiti u pomoć ako nekome zatreba. Na otprilike polovini staze je organizovana feed zona. Na startu i cilju čeka vas prostor za druženje i opuštanje.

4. USLOVI UČESTVOVANJA

EPIC RIDES namijenjen je svim ljubiteljima bicikala, prirode i socijalizacije bez obzira na dob, pol, fizičku i tehničku sposobnost. Osobe mlađe od 18 godina mogu učestvovati u vožnji u pratnji roditelja ili odgovorne osobe, dok na osnovu člana 99, stav 1 Zakona o osnovama bezbjednosti saobraćaja na putevima BiH, lica mlađa od 12 godina ne smiju upravljati biciklom na javnom putu, te samim tim istima učešće nije dozvoljeno.

Prijavom za EPIC RIDES učesnik potvrđuje da je upoznat i u potpunosti se slaže s Generalnim informacijama i uslovima učestvovanja u EPIC RIDES događajima.

Iz sigurnosnih i logističkih razloga broj učesnika svakog događaja je ograničen i u EPIC RIDES mogu učestvovati samo osobe koje su se prijavile za događaj te uplatile za to predviđenu kotizaciju.

Učestvovanje u rekreativno-biciklističkim EPIC RIDES događajima je na vlastitu odgovornost, te je svaki učesnik dužan procijeniti vlastitu fizičku i zdravstvenu spremnost za učestvovanje. Ukoliko

učesnik pokazuje slabosti, organizator zadržava pravo zatražiti od učesnika lijevasku dozvolu za učestvovanje u rekreativnim aktivnostima ovakvog tipa i/ili odbiti učesniku pravo učestvovanja u EPIC RIDES u slučaju procjene da bi ovakva aktivnost mogla ozbiljno ugroziti učesnika.

Pravilnikom o zdravstvenoj zaštiti sportista, prema članu 4, svako lice koje učestvuje u sportskoj aktivnosti obavezno je da obavi sistematski pregled, te dobijeno uvjerenje o odobrenju učešća koje izdaje porodični doktor, predoči organizatoru događaja. Ukoliko učesnik odbija da od doktora donese Pravilnikom propisano uvjerenje, odluka ne utiče na pravo učešća te učesnik snosi isključivu odgovornost za eventualne posljedice po svoje zdravlje.

Iako je organizator postavio i opremio „feed zone“ na svakoj ruti, učesnicima EPIC RIDES se preporučuje da na vožnju ponesu dovoljnu količinu tekućine te energetske pločice.

Svi učesnici EPIC RIDES moraju si osigurati adekvatnu odjeću i obuću za bicikliranje u prirodi, uzimajući u obzir i vremenske uslove za vrijeme trajanja vožnje.

Svi učesnici EPIC RIDES tokom vožnje moraju nositi zaštitnu biciklističku kacigu.

EPIC RIDES rute dijelom prolaze lokalnim saobraćajnicama te su učesnici EPIC RIDES tokom vožnje, kao učesnici u saobraćaju, dužni poštovati sve važeće saobraćajne propise.

Svi učesnici EPIC RIDES trebaju se s pažnjom odnositi prema ostalim osobama i okolini.

Svi učesnici EPIC RIDES dužni su voziti oprezno, u skladu sa svojim vještinama i sposobnostima, a sve kvarove i nezgode prijaviti Organizatoru kako bi im se pružila potrebna podrška.

Ukoliko učesnik iz bilo kojeg razloga odluči odustati od vožnje prije dolaska u cilj, dužan je o tome obavijestiti Organizatora. U slučaju nedolaska učesnika do cilja unutar predviđenog vremenskog perioda trajanja vožnje, a bez ikakve prethodne obavijesti, Organizator će pokrenuti akciju traženja učesnika od strane nadležnih službi, o trošku osobe za kojom se traga.

5. ODGOVORNOST

Svaki učesnik je odgovoran za vlastito zdravstveno stanje, sigurnost i imovinu tokom učestvovanja u EPIC RIDES.

Organizator ne preuzima nikakvu odgovornost za moguće nesreće, ozljede ili štetu koju je učesnik vožnje ili treća osoba zadobio i/ili prouzrokovao sebi i/ili trećoj osobi, kao niti za eventualnu štetu nastalu uslijed uništenih, oštećenih ili otuđenih stvari.

Učesnici događaja prilikom registracije dužni su potpisati Izjavu o odricanju od odgovornosti povezanih sa učestvovanjem u EPIC RIDES vožnji te Izjavu o odricanju od potraživanja prema Organizatoru glede istih. Organizator zadržava pravo zabrane učestvovanja osobama koje iz bilo kojeg razloga odbiju potpisati navedenu Izjavu i/ili se ne ponašaju u skladu s Uslovima učestvovanja.

6. IZMJENE I/ILI OTKAZIVANJE DOGAĐAJA OD STRANE ORGANIZATORA

Iz logističkih, tehničkih i/ili sigurnosnih razloga Organizator zadržava pravo promjene najavljene EPIC RIDES rute uoči starta. U opisanom slučaju promjene rute, učesnici se odriču prava na potraživanje naknade štete, kao i potraživanje bilo kakvih drugih naknada s bilo koje osnove.

U slučaju više sile, nepredvidive situacije, te narušavanja sigurnosti učesnika EPIC RIDES ili drugih osoba iz bilo kojeg razloga, a po slobodnoj procjeni Organizatora, Organizator zadržava pravo otkazivanja ili prekida događanja u bilo koje vrijeme. U opisanom slučaju, učesnici se odriču prava na potraživanje naknade štete, kao i potraživanje bilo kakvih drugih naknada s bilo koje osnove.

U slučaju loših vremenskih uslova koji onemogućuju sigurno održavanje događaja, Organizator zadržava pravo otkazivanja događaja i odabira novog termina događaja. Kotizacije uplaćene za događaje odgođene radi više sile važeće su za nove termine EPIC RIDES događaja, a učesnici se odriču prava na potraživanje štete i/ili potraživanja naknade za eventualne dodatne troškove prouzročene promjenom termina (troškovi smještaja, troškovi prevoza, lični troškovi, itd.).

- OTKAZIVANJE UOČI DOGAĐAJA: Finalni rok za otkazivanje od strane organizatora događaja radi najavljenih nepovoljnih i nesigurnih vremenskih uslova je najkasnije 36 sati prije početka događaja. U tom slučaju se termin događaja prebacuje na neki drugi prikladan termin, a sve kotizacije uplaćene za inicijalni datum automatski se prebacuju za novi datum. Ukoliko vam novi datum ne odgovara, otkazati svoj dolazak i ostvariti pravo na povrat iznosa kotizacije možete najkasnije do 24 sata prije održavanja događanja u novom terminu. Nakon navedenog roka povrat kotizacije nije moguć, nezavisno o razlogu otkazivanja.

- OTKAZIVANJE UOČI STARTA VOŽNJE: Ukoliko suprotno ranijim najavama i procjenama Organizator na mjestu događaja utvrdi da su trenutne vremenske prilike neprikladne za održavanje EPIC RIDES, start se može pomaknuti za najviše 180 minuta. U slučaju nemogućnosti starta i nakon odgode, organizator će učesnicima izdati vaučere za besplatnu kotizaciju, iskoristive za bilo koji Epic Rides u narednih godinu dana od dana otkazanog događaja.

7. USLOVI OTKAZIVANJA OD STRANE UČESNIKA

Ukoliko učesnik iz bilo kojeg razloga odluči odustati od učestvovanja u rezervisanom EPIC RIDES događaju, otkazati svoj dolazak i ostvariti pravo na povrat punog iznosa kotizacije može do najkasnije 24 sata prije održavanja događaja u novom terminu. Nakon navedenog roka povrat kotizacije nije moguć, nezavisno od razloga otkazivanja.

Definisani uslovi povrata odnose se isključivo na uplaćene kotizacije i nisu primjenjivi na dodatne usluge, kao ni na administrativne naknade sistema za registraciju učesnika. Administrativne naknade sistema nisu povratne ni u kojem slučaju. Dodatne usluge nisu povratne, osim ako su uz pojedinu uslugu navedeni drugačiji posebni uslovi.

Učesnik može od organizatora zatražiti izmjenu podataka i prenijeti uplaćenu kotizaciju na drugu osobu u bilo kojem trenutku do početka događaja.

8. KORIŠTENJE VAUČERA, PROMO KODOVA I POKLON BONOVA

Epic Rides vaučere, promo kodove i poklon bonove nije moguće unovčiti ili zamijeniti za bilo kakvu drugu naknadu, proizvod ili uslugu.

Promo kodovi dodijeljeni pojedinom učesniku isključivo za određeno događaje nisu prenosivi na druge učesnike i druge događaje.

Iskorišteni vaučer / promo kod / poklon bon u slučaju otkazivanja od strane učesnika nije moguće prenijeti na druge događaje (smatra se trajno iskorištenim i nije ga moguće ponovno reaktivirati).

9. ZAŠTITA LIČNIH PODATAKA

Ličnim podacima smatraju se svi podaci koji su kao lični podaci utvrđeni Zakonom o zaštiti ličnih podataka ("Sl. Glasnik BiH", br. 49/2006, 76/2011 i 89/2011 - ispr.). Statistički podaci koje organizator prikuplja prilikom posjeta njegovoj internetskoj stranici i koji se ne mogu izravno povezati sa učesnikom kao pojedincem, ne smatraju se ličnim podacima.

Prijavom za EPIC RIDES učesnici daju dobrovoljnu i izričitu saglasnost kojom nedvosmisleno daju pristanak za obradu svojih ličnih podataka u svrhu provođenja EPIC RIDES događaja te daljnjeg informisanja javnosti o događaju. Podnošenjem prijave učesnici izričito pristaju i na objavu fotografija i/ili bilo kojeg video materijala s događaja uz naznaku njihovih ličnih podataka (uključujući fotografije i/ili video lica), i to na bilo kojem mediju, uključujući svaki oblik reprodukcije, bez teritorijalnog, vremenskog i/ili jezičnog ograničenja objava, a sve to za potrebe kako Organizatora, tako i promotora događaja, za promovisanje i oglašavanje EPIC RIDES projekta. Učesnici se također izričito odriču ostvarivanja bilo kakvih prava po osnovi objave spomenutog foto i/ili video materijala. Podnošenjem prijave na događaje učesnici izričito izjavljuju kako se opisano postupanje s njihovim ličnim podacima neće smatrati povredom ličnih podataka.

Voditelj obrade ličnih podataka je Organizator. Lični podaci će biti arhivirani 5 godina od dana podnošenja prijave te će nakon isteka ovog roka biti uništeni. Ovi se podaci prikupljaju i obrađuju prema svim primjenjivim pravilima o zaštiti ličnih podataka, isključivo za potrebe organizacije događaja te marketinških aktivnosti Organizatora, kao i u svrhu poštovanja zakonskih obveza Organizatora. Organizator zadržava pravo prenosa ličnih podataka na promotora i/ili treće osobe koji su Ugovorno vezane s organizatorom ili promotorom događaja, kao što su na primjer, ali ne ograničavajući se na, sponzori, izlagači, turističke zajednice, hotelske kuće.

Učesnik može od Organizatora kao voditelja obrade zatražiti pristup ličnim podacima i ispravku ili brisanje ličnih podataka ili ograničavanje obrade koji se odnose na ispitanika ili uložiti prigovor na obradu ovih podataka. Učesnik ima pravo povući ovu dozvolu.

EPIC RIDES mogu pratiti novinari, fotografi i snimatelji elektronskih i pisanih medija. EPIC RIDES se održava na javnom prostoru.

10. ZAVRŠNE ODREDBE

U slučaju spora između učesnika i Organizatora vezanog uz održavanje događaja, strane se obavezuju i spor pokušati sporazumno. U slučaju nemogućnosti rješavanja spora sporazumno, rješavanje spora preuzet će nadležni sud u Banjaluci.

U Banjaluci, 18.02.2025.

Bono d.o.o.

Bulevar vojvode Stepe Stepanovića 183a
78 000 Banjaluka